

# NOS MINISTERIO DI REINO

## FEBRUARI 2013

### SIMAN DI 11 DI FEBRUARI

Cantica 106 y Oracion

#### Estudio di Bijbel di Congregacion:

lv cap. 5 §16-23, tema di e appendix cu ta cuminsa na pag. 212 te na subtema na pag. 213 (30 min.)

#### Scol di Ministerio Teocratico:

**Lesamento di Bijbel:** Mateo 26-28 (10 min.)

**Num. 1:** Mateo 27:24-44 (4 min. of menos)

**Num. 2:** Con e Pasensi di Dios Ta Hiba na Salbacion?—2 Ped. 3:9, 15 (5 min.)

**Num. 3: Si un Hende Bisa: 'Boso Ta Pone Mucho Enfasis Riba Profecia'**—rs-S pag. 288 §1-2 (5 min.)

#### Reunion di Sirbishi:

Cantica 31

**10 min:** Kico Nos Ta Siña for di Mateo 6: 19-21 y Lucas 16:13? Discurso cu participacion. Laga un ruman lesa e textonan. Despues, analisa con e relatonan aki por yuda nos den nos sirbishi.

**20 min:** "Abo Lo Traha Pionero Auxiliar?"  
Pregunta y contesta na encargo di e superintendente di sirbishi. Despues di trata paragraf 2, entrevista brevemente dos publicador cu tin plan di traha pionero auxiliar den maart, un cu ta traha full-time y un otro cu tin problema cu salud. Ki ahusten nan ta pensa di haci pa por traha pionero? Despues di trata paragraf 3, tene un demostracion caminda un pareha casa cu of sin yiu ta tuma un tiki tempo durante nan Adoracion Como Famia pa plania con pa traha mas den sirbishi.

Cantica 122 y Oracion

### Abo Lo Traha Pionero Auxiliar?

<sup>1</sup> E temporada di Memorial lo ta un bon oportunidad pa nos traha mas den sirbishi. Den e temporada aki, nos ta medita riba e gran amor cu Jehova a demostra ora el a manda su Yiu como rescate. (Juan 3:16) Esaki ta aumenta

1. Dicon e temporada di Memorial lo ta un bon oportunidad pa traha mas den sirbishi?

ta nos aprecio y ta motiva nos pa papia cu otro hende tocante Jehova y di loke e ta haciendo pa humanidad. (Isa. 12:4, 5; Luc. 6:45) Den e tempo aki, nos ta disfruta tambe di un campana special pa invita nos conocinan y hende den teritorio pa asisti na Memorial. Despues, nos ta haci esfuerzo pa sigui cultiva interes di esnan cu a asisti. Abo lo por traha pionero den maart, april of mei?

<sup>2</sup> **Haci Maart un Luna Special:** Maart lo ta un bon luna pa traha pionero auxiliar. Publicadornan cu kier traha pionero den maart por opta pa traha sea 30 of 50 ora. Ademas, si e superintendente di circuito ta bishita e congregacion den maart, e pioneronan auxiliar ta ser invita pa ta presente durante *henter* e reunion cu lo e tene cu e pioneronan regular y special. E campana pa parti invitacion pa e Memorial, cu lo tuma luga diamars 26 di maart 2013, lo ta mas largo cu e añanan prome; lo e cuminsa 1 di maart. Ademas, maart tin cinco weekend. Pues, nos por cuminsa plania for di awor pa haci maart un luna special.

<sup>3</sup> **Plania for di Awor:** Awor ta e momento pa wak bo programa y mira ki ahustenan bo por haci pa traha pionero. Ta importante pa miembronan di familia coopera cu otro. Pesey saca tempo durante boso anochi di Adoracion Como Famia pa considera e metanan cu boso tin y traha un programa. (Prov. 15:22) Si bo no por traha pionero auxiliar, no desanima. Kisas bo por plania pa traha un tiki mas den sirbishi e dianan cu bo ta sali normalmente of plania pa sali un dia mas durante siman.

<sup>4</sup> Ora nos aumenta nos actividad den maart, april y mei, nos lo aumenta e goso y satisfaccion cu nos ta sinti den sirbi Jehova y den duna di nos mes na otronan. (Juan 4:34; Echo. 20:35) Pero mas importante ainda, nos esfuerzonan extra lo haci Jehova contento.—Prov. 27:11.

2. Dicon maart lo ta un bon luna pa traha pionero?
3. Con nos por plania pa traha mas den sirbishi?
4. Ki beneficio nos ta saca ora nos aumenta nos actividad den maart, april y mei?

## SIMAN DI 18 DI FEBRUARI

Cantica 52 y Oracion

### Estudio di Bijbel di Congregation:

Iv for di subtema na pag. 213 te cu pag. 215 §1, cap. 6 §1-9 (30 min.)

### Scol di Ministerio Teocratico:

**Lesamento di Bijbel:** Marco 1-4 (10 min.)

**Num. 1:** Marco 2:18–3:6 (4 min. of menos)

**Num. 2:** Riba Kico e Siñansa di Purgatorio Ta Basa?—rs-S pag. 289 §1-6 (5 min.)

**Num. 3:** Kico Nos Tin cu Compronde for di Pablo Su Conseho na 1 Corintionan 7: 29-31? (5 min.)

### Reunion di Sirbishi:

Cantica 92

**15 min:** Predica e Palabra den Tempo Difícil. (2 Tim. 4:2) Discurso cu participacion basa riba e Anuario 2012, na Spaño, pagina 72, paragraf 1-2; pagina 110; pagina 156, paragraf 1, te cu pagina 157, paragraf 2 y pagina 179, paragraf 3. Pidi esnan presente pa comenta riba loke nan a siña for di e experencianan.

**15 min:** "Campaña pa Anuncia Memorial Ta Cuminsa 1 di Maart." Pregunta y contesta. Duna tur esnan presente un invitacion y repasa e contenido. Ora ta trata paragraf 2, pidi e superintendente di sirbishi pa splica con e congregacion lo bay cubri e territorio. Ora ta trata paragraf 3, uza e sugerencia na pagina 4 pa demostra con pa ofrece e invitacion.

Cantica 8 y Oracion

## Campaña pa Anuncia Memorial Ta Cuminsa 1 di Maart

<sup>1</sup> Diabierna 1 di maart, nos lo cuminsa cu nos campaña anual pa invita hende pa asisti na Memorial, cu lo tuma luga 26 di maart. E año aki, e campaña lo ta un poco mas largo. Pues, nos por invita mas tanto

1. Ki dia nos lo cuminsa anuncia e Memorial, y dicon e campaña ta mas largo e año aki?

hende, specialmente si nos congregacion tin un territorio grandi pa cubri.

<sup>2</sup> **Instruccionnan:** Ancianonan lo duna guia con pa cubri e territorionan y si mester laga invitacion caminda no tin hende na cas. Si resta invitacion despues cu traha tur cas den e territorionan, nos por laga esakinan ora nos ta predica publicamente, manera den caya, riba parkerplaats, den parke, negoshi, etcetera. (Echo. 20:20) E superintendente di sirbishi lo percura pa riba bali tin suficiente invitacion cu e adres di e luga y e ora di e Memorial pa e publicadornan por tuma. No mester pone tur e invitacionnan riba bali mesora. *Nos mester tuma solamente e cantidad di invitacion cu nos lo uza e siman ey.*

<sup>3</sup> **Loke Nos Por Bisa:** Ta mihor nos ta breve, di manera cu nos por invita mas tanto hende posibel. Na pagina 4 tin un presentacion cu nos por adapta na nos territorio. Si e doño di cas ta amigabel of tin algun pregunta, nos por keda un poco mas. Den weekend, aparte di parti invitacion, nos por ofrece revista tambe, si ta apropiata. Diasabra 2 di maart, nos lo concentra riba parti invitacion pa Memorial en bes di purba di cuminsa estudio di Bijbel.

<sup>4</sup> Nos ta spera cu hopi hende lo asisti na Memorial. E discurso lo splica ken Hesus ta realmente. (1 Cor. 11:26) Tambe lo e splica con su morto ta yuda nos. (Rom. 6:23) Y lo e muestra dicon ta importante pa nos corda riba Hesus. (Juan 17:3) Laga nos participa cu entusiasmo den e campaña aki!

- 
2. Ki preparacion e ancianonan lo haci pa nos haya e invitacionnan y cubri e territorio?
  3. Kico nos mester tene cuenta cu ne ora di parti invitacion?
  4. Dicon nos mester participa cu entusiasmo den e campaña aki?

## SIMAN DI 25 DI FEBRUARI

Cantica 120 y Oracion

### Estudio di Bijbel di Congregacion:

lv cap. 6 §10-15, cuadro na pag. 67 (30 min.)

### Scol di Ministerio Teocratico:

**Lesamento di Bijbel:** Marco 5-8 (10 min.)

Repasso di Scol di Ministerio Teocratico (20 min.)

### Reunion di Sirbishi:

Cantica 135

**5 min:** "Bo Por Keda Traha un Tiki Mas?" Discurso cu participacion.

**10 min:** E Mensahe Cu Nos Tin cu Proclama:

"Duna Testimonio di Hesus." Discurso animante basa riba e buki Skol di Ministerio, for di subtema na pagina 275 te fin di pagina 278.

**15 min:** Jehova Ta Duna Nos Forza pa Predica.

(Flp. 4:13) Entrevista dos de tres publicador cu ta participa cu celo den sirbishi a pesar di nan problema cu salud. Ki dificultad nan a haya nan cu ne? Kico ta yuda nan pa no keda desanima pa mucho tempo? Ki yudansa practico e congregacion a duna nan? Con nan participacion regular den sirbishi a yuda nan?

Cantica 42 y Oracion

## Repasso di Scol di Ministerio Teocratico

Lo trata e siguiente preguntanan na e Scol di Ministerio Teocratico durante e siman di 25 di februari 2013. E fecha prome cu e referencia ta indica e siman cu lo trata e informacion ya asina por haci investigacion tur siman ora ta prepara pa e scol.

1. Dicon Hesus a bisa cu "esnan cu ta tristo", of cu ta yora, lo ta feliz? (Mat. 5:4) [7 di jan., w09-PA 1/2 pag. 14 par. 6]
2. Kico Hesus tabata kiermen ora el a pidi den e oracion modelo: "No laga nos cay den tentacion"? (Mat. 6:13) [7 di jan., w04 1/2 pag. 16 par. 13]
3. Pakico Hesus a bisa cu su discipelnan lo no caba di predica "prome cu e Yiu di hende yega"? (Mat. 10:23) [14 di jan., w10-PA 1/9 pag. 12 par. 12; w87-S 1/8 pag. 8 par. 6]
4. Den Hesus su ilustracion tocante e pipita di mosterd, ki dos cos el a enfatisa? (Mat. 13:31, 32) [21 di jan., w08-PA 1/7 pag. 25-26 par. 3-8]

## Bo Por Keda Traha un Tiki Mas?

Algun publicador tin e custumber di traha den sirbishi te cierto ora, kisas te banda di 12 or di merdia. Kisas, circunstancian personal di algun ruman ta pone cu nan no por sigui traha den sirbishi despues di cierto ora. Pero abo ta stop di predica un cierto ora djis pasobra otro ruman den e grupo no ta sigui traha of pasobra esey ta e custumber den bo area? Bo por traha un par di minuut mas, kisas predicando publicamente? Bo por haci un par di rebishita prome cu bo bay cas? Bo por imagina bo ki bon resultado bo por logra si bo topa maske ta un persona interesa of laga un par di revista cu hende riba caya? Si nos keda traha un par di minuut mas den sirbishi, nos ta aumenta nos "sacrificio di alabanza."—Heb. 13:15.

5. Ki les Hesus a siña su discipelnan ora el a bisa: "A menos cu boso cambia y bira manera mucha chikito, boso sigur lo no drenta e Reino di cielo"? (Mat. 18:3) [28 di jan., w07 1/2 pag. 9-10 par. 3-4]
6. Pakico Hesus a contesta e sumo sacerdote: "Ta bo mes a bisa esey"? (Mat. 26: 63, 64) [11 di feb., w11-S 1/6 pag. 18]
7. Dicon Bijbel ta yama Hesus "Señor hasta di sabbat"? (Mar. 2:28) [18 di feb., w08-PA 1/2 pag. 10 par. 7]
8. Dicon Hesus a bisa loke el a bisa encuanto su mama y su rumannan, y kico esa-ki ta siña nos? (Mar. 3:31-35) [18 di feb., w08-PA 1/2 pag. 11 par. 3]
9. Segun Marco 8:22-25, pakico Hesus lo a cura e homber ciego gradualmente, y kico nos ta siña for di esaki? [25 di feb., w00-PA 15/2 pag. 17 par. 7]
10. Kico nos por siña for di e manera cu Hesus a reaccionara ora Pedro a scual e? (Mar. 8:32-34) [25 di feb., w08-PA 1/2 pag. 11 par. 4]

## SIMAN DI 4 DI MAART

Cantica 62 y Oracion

### □ Estudio di Bijbel di Congregacion:

Iv cap. 6 §16-23 (30 min.)

### □ Scol di Ministerio Teocratico:

**Lesamento di Bijbel:** Marco 9-12 (10 min.)

**Num. 1:** Marco 11:19-12:11 (4 min. of menos)

**Num. 2:** Hende Mester Paga Mas Castigo pa Pica Despues di Nan Morto?—rs-S pag. 290 §2-6 (5 min.)

**Num. 3:** Dicon un Dedicacion Personal na Dios Ta Hiba na Felicidad—Echo. 20:35 (5 min.)

### □ Reunion di Sirbishi:

Cantica 7

**10 min:** Algun Sugerencia pa Ofrece Revisita den Maart. Discurso cu participacion. Haci esnan presente e siguiente preguntanan: Den e weekendnan cu nos lo parti invitacion, na ki momento nos por ofrece revista tambe? Ora bo caba di ofrece e invitacion, kico bo por bisa pa introduci e revistanan? Aunke den cada sugerencia tin un pregunta y un texto, con bo por haci e presentacion mas cortico? Tene un demostracion con pa ofrece cada revista hunto cu e invitacion.

**10 min:** Saca Beneficio for di Analisá e Skritura Tur Dia—2013. Discurso cu participacion. Analisa brevemente e texto di aña na pagina 3 y 4 y e informacion “Con pa Uza e Foyeto Aki” na pagina 5. Caba, pidi esnan presente pa conta ki ora nan ta lesa e texto di dia y ki beneficio nan ta saca. Na final, anima tur presente pa analisa e texto tur dia.

**10 min:** Necesidad local.

Cantica 119 y Oracion

## Anuncio

■ Oferta di literatura pa **febrero**: Por uza un di e foyetonan di 32 pagina cu e congregacion tin den stock y cu hende den bo territorio kisas lo haya interesante. Ora bo ta haci rebishita, introduci e buki *Bijbel Ta Siña* of, dependiendo di e necesidad di e persona, e foyeto *Scucha Dios of Scucha Dios y Biba pa Semper*, y purba di cuminsa un estudio di *Bijbel*. **Maart y april:** E Toren di Vigilancia y *¡Despertad!* Ora bo ta haci rebishita, introduci e buki *Bijbel Ta Siña* of, dependiendo di e necesidad di e persona, e foyeto *Scucha Dios of Scucha Dios y Biba pa Semper*, y purba di cuminsa un estudio di *Bijbel*.

**Mei:** Uza e tratado *Bo Kier Haya Sa e Berdad?* Si e persona ta interesa, mustre con nos por studia *Bijbel* cu ne for di e buki *Bijbel Ta Siña* of e foyeto *Scucha Dios of Scucha Dios y Biba pa Semper*.

■ A prepara un boskeho nobo pa e discurso di Memorial cu e tema: “Mustra Gratitud pa Loke Cristo A Haci pa Bo!” Mester cuminsa uza e boskeho aki na e Memorial di 2013.

■ Tema di e discurso special pa e temporada di Memorial 2013 lo ta: “Morto Ta Fin di Tur Cos?”

## Algun Sugerencia

### Pa e Campaña di Memorial

“Con ta bay? Mi kier duna bo e invitacion aki pa abo y bo familia asisti na un evento anual importante cu lo tuma luga rond mundo dia 26 di maart. Riba e fecha ey, nos lo conmemora e morto di Hesus. Nos lo tin un reunion cu lo splica mediante un discurso basariba *Bijbel* con e morto di Hesus ta yuda nos. Entrada ta gratis y aki bo ta haya e adres di e luga y e ora cu e reunion lo cuminsa.”

### E TOREN DI VIGILANCIA 1 di Maart ANUNCIANDO E REINO DI JEHOVA DIOS

“Algun hende sa puntra: ‘Con nos por ta siur cu Hesus a resucita?’ Abo tambe a yega di puntra bo mes esey? [Permiti e persona contesta.] Wak dicon ta importante pa sa e contesta. [Lesa 1 Corintionan 15:14.] E revista aki ta splica dicon nos sa cu e resureccion di Hesus no ta djis un cuenta.”

### ¡Despertad!® Maart

“Bo ta di acuerdo cu ta dificil pa lanta yiuden e tempo aki? [Permiti e persona contesta.] Hopi mayor a haya bon conseho den *Bijbel*. Por ehempen, e texto aki a yuda mayornan siña busca oportunidad pa elogia nan yiunan y aumenta nan balor propio. [Lesa Colosensean 3:21.] E articulo aki ta trata cinco principio basico cu por yuda mayornan masha bon mes.”

### Logronan Sobresaliente di Septembre

Isla	Pio. Spec.	Pio. Reg.	Pio. Aux.	Publ.	TOTAL
<b>Aruba</b>	4	58	28	802	892
<b>Boneiro</b>	5	5	2	95	107
<b>Corsou</b>	4	146	75	1.630	1.855

Aruba, Boneiro y Corsou a alcansa un maximo nobo di 2.854 publicador.